

龍駕雲浮遊太清在王所欲安於是旦夕朝拜身進酒果先乞試之變化風雨雲霧無不有劫運交丹經及三十六水銀等方

雲笈七籤卷之一百九

雲笈七籤卷之一百一十

廿十

密教靈寶金華秘經靈寶金華秘經卷第十

洞仙傳

元君

元君者合服九鼎神丹得道著經九卷

九元子

九元子者鍊紫金合神丹登仙其經曰庚辛經

長桑公子

長桑公子者常散髮行歌曰巾金巾入天門呼長精吸玄泉鳴天鼓養丹田柱下史聞之曰彼長桑公子所歌之詞得服五星守洞房之道也

龔仲陽

龔仲陽者受嵩山少童步六紀之法

上黃先生

上黃先生者修步斗之道得隱形法

蒲先生

蒲先生者常乘白鹿採芝草於茅山

茅濂

茅濂字初威咸陽南關人也即東卿司命君盈之高祖入華山修道後來雲駕龍白日昇天先是其邑歌曰神仙得者茅初威駕龍上昇入太清時下玄洲戲赤城繼世面往在我盈帝若學之願嘉平泰始皇聞之因改臘曰嘉平

常生子

常生子者常漱水成玉屑服之以昇天

長存子

長存子者學道成爲玄洲仙伯

蔡瓊

蔡瓊字伯瑤師老子受太玄陽生符運丹方合服得道白日昇天常以陽生符治已死之人但骸骨存者以符投之即起

張穆子

張穆子者修太極上元年紀以昇仙後以此法授龔叔進王文卿尹子房皆得道

童子先生

童子先生者於狄山學道修浴昇鈴經得仙

九源丈人

九源丈人者為方丈宮主領天下水神及陰  
精水獸蛟鯨之類

谷希子

谷希子者學道得仙為太上真官東方朔師  
之交闕風鍾山蓬萊及神州真形圖

王仲高

王仲高常在淮南市行卜父老傳云比世見  
之伍被言於淮南王安安欣然迎之謂安曰  
黃帝吾父之長子也昔師朱襄君受長生之  
訣即以傳安

陽生

陽生者住少室西金門山山有金嬰漿服之  
得道

西門君惠

西門君者少好道明諸讖緯以關山圖授秦  
始皇而不能用

玄都先生

玄都先生者授仙人黑玉天地鈴經行而得  
道

黃列子

黃列子者常遊獵九江射中五色神鹿遂跡  
尋穴遇神芝服而得風仙

公孫卿

公孫卿者學道於東梁甫山一云滋液山山  
官中有合成仙藥得服之人立仙日月之神

並在官中合藥時頌曰玉女斷分劑蟾蜍主  
和搗一丸鍊人形二丸顏容好

蔡長孺

蔡長孺者蜀郡人夫妻共服十精丸體氣充  
盈年九十生一男名度世一百五十歲復生

一男名無極年三百歲視之如少童

延明子高

延明子高者服麋角得仙

崔野子

崔野子者服木以度世

靈子真

靈子真者服桃膠得仙

宛丘先生

宛丘先生者服制命丸得道至湯之末世已  
千餘歲以方傳弟子妻若春服之三百年視

之如十五童子彭祖師之受其方三首

馬榮

馬榮者住梁國穀城中兩眼亦爛腫子不見  
物而能明察洞視北方多病癩鄉里不容者  
輒來投榮榮為治之悉差榮云患脚常乘鹿  
車行無遠近不見人牛推引而車自至或一  
日赴數十處請而各有一榮凡與人語自稱  
厄子作牽三詩類手識緯孝建二年三月初  
作書與兩國人別至十六日中時果卒

任敦

任敦博昌人也少在羅浮山學道後居茅山  
南洞修步斗之道及洞玄五符能役鬼神  
隱身分形玄居山舍虎狼不敢犯

敬玄子

敬玄子修行中部之道存道守三一常歌曰  
遙望崑崙山下有三項田借問田者誰赤子  
字元先上生烏靈木雙關俠兩邊日月互相  
照神路帶中間採藥三微領飲漱華池泉速  
遊十二樓偃蹇步中原意欲觀絳宮正值子  
丹駟金樓凭玉几華蓋與相連願見雙使者

博者太行山長谷何峰嶺真誠相接隣我  
飛龍寧忽臨無極湖黃精生東底芝草故吃  
川我欲精黃精液升在服前神仙飲液升羽  
翼奮迅解素精未復外子壽授骨榮所經信  
自險所貴得神仙

常舉

常舉字子高嘗入山採薪見二白鶴飛下石  
上即成兩仙人共語云頃合陰丹成就河北  
王母索九釵酒服之至良子高聞仙人言記  
訪王母者得九釵酒還告仙人乞陰丹服之  
即翻然昇虛治於雲中掌雲雨之任

徐道季

徐道季少住鶴鳴山後遇真人謂曰夫學道  
當巾天青欲大塵距雙白相二赤此五神道  
之精華也其語隱也大塵者三皇文是也道  
季修行得道

趙叔期

趙叔期不知何許人學道於王屋山中遇卜  
者謂叔期曰欲入天門修三關存朱衣玉童  
為友期謂其要道因以素書一卷與之是后

精中記拜受之後得道

毛伯道

毛伯道劉道奉謝雅堅張光期皆後漢時人  
也同於平屋山學道三十餘年共合神丹成  
伯道先服即死次道恭服之又死雅堅光期  
不數服書奏而歸未出山客見伯道道恭奉  
奉白鹿在山上仙人執節以從之二人悲愕  
憐謝道恭授以服於今方二人後亦度世

莊伯微

莊伯微者少好道不知求道之方惟以日入  
時三四光向閉目強固想見崑崙山積三十年  
後身見崑崙山人授以金丹方合服得道

劉道偉

劉道偉少入崑崙山學道積十二年遇仙人  
或之將一大石約重萬斤以一白髮懸之使  
道偉卧其下顏色無異心安體悅又十二年  
遂賜以神丹服之昇天

匡俗

匡俗字子希少以孝悌著稱召聘不起至心  
學真遂請名山至覆船山見山上有湖周迴

數里多生靈草異物不可說其傍有石井泉  
道湖中又有石屬蓋春秋時皆能解飛復有  
小石窟中有玉牒多記名山福地及得道人  
姓名後服食得道

盧耽

盧耽者少學道得仙後復任為州治中嘗時  
乘空歸家到曉則及州嘗元會期會在列特  
晚復是迴州閣前欲下次為盧儀以事拂耽  
得一隻履陸地耽由是飛去

范射

范射者巴西閬中人也久住支江百里洲修  
太平無為之道時日虛散項有五色光起冬  
夏惟草布衣而袒溫時頭已斑白至宋元嘉  
中狀貌不變其占吉凶雖萬里外事皆如指  
掌或問先生是謫仙邪云東方朔乃黥我我  
小兒時數與之殺猪又云我見周武王伐紂  
洛城頭戰前歌後舞宋文帝召見射答詔稱  
我或稱吾元虎初為太子射從東官過指官  
門曰此中有博勞鳥奈何養賊不知文帝忌  
之初射自盪江夏王使理於新亭亦岸岡文

帝令發其棺看柩無屍乃悔之越明年射擊于陳志夜起忽見光明如晝而見射入門就榻坐又一老翁後至射起迎之志門是誰射笑而不答須臾俱出門射問志比復還東鄉善護我宅即百里洲也

傅先生

傅先生者學道於焦山中精思七年過太極真人與之本鑽使以穿一石盤厚五尺許戒云石盤穿仙可待也於是重夜鑽之積四十七年鑽盡石穿仙人來曰立志若期寧有不<sup>○</sup>得道者即授以金液還丹服之度世

石坦

石坦字洪孫渤海人也遊趙魏諸名山得道能分身同時詣十餘家各家有一坦所言各異

鄭思遠

鄭思遠少為書生善律曆候時晚師葛孝先受正一法文三皇內文五藏具形圖太清金液經洞玄五符入廬江馬迹山居仁及鳥獸所住山虎生二子山下人務得虎母虎父驚

逸虎子未能得食思遠見之將還山舍養飼虎父事遠又依思遠後思遠每出行乘騎虎父二虎子負經書衣藥以從時於永康橫江橋邊相識許隱且服藥酒虎即捨茶然火隱思遠痛從思遠求虎鬚欲及熟揮首問得愈

思遠為拔之虎伏不動

郭志生

郭志生字道明未提郡人晉元帝時云已四百歲見之如五十許人有短卷書滿兩篋中常負之多止馬場獲竊家每歎曰兵荒方生<sup>○</sup>毒流生民將以溝瀆為棺材蒼蠅為孝子必然之期可為痛心後二年孫思遠亂冬<sup>○</sup>疫害及餓死者十不遺一忽謂續曰應亡為吾備粗材器殯不須釘材亦不須埋但送山巖中以石鑲材上後少日而死續謹依斯教經數日續親人自富陽還見志生騎白鹿山中行作書與續

介球

介球者不知何許人也師白阜公受玄白之道能變化隱形常隨師入東海曾過某為先

主禮之先主為球起靜室一日之中數過道人問起居球或為童子或為老翁無所食咬不受餉適先主欲學其術球以帝多內御遂不傳道球先主大怒教縛球著車甲棘引弩射之弩發而繩索獨存不知球所之耳

徐福

徐福字君房不知何許人也秦始皇時大苑中多枉死者橫道數有鳥如鳥狀銜草覆苑人面皆登時治有司奏聞始皇使使者齎此草以問北郭思谷先生先生云是東海中<sup>○</sup>洲上不死之草生瓊田中一名養神芝其葉似蓬生不叢一林可活一人始皇於是乃謂可索得因訪求精誠道士徐福發童男童女各五百人率樓船等入海尋洲不返不知所在遠沈義得道黃子道福為使者乘白鹿車度世君司馬生乘龍車侍懸簿延乘白鹿車俱來迎

車子侯

車子侯者扶風人也漢武帝愛其侍稍遷其位至侍中一朝路家云我今補仙官此春

應去至夏中當暫還還少時復去如其言武  
帝思之乃作歌曰嘉幽蘭兮延秀草效穉兮  
中濟華髮雙兮麗景風伴何兮流芳皇天兮  
無慧至人逝兮仙鄉天路遠兮無期不覺涕  
下兮霑裳

蘇耽

蘇耽者桂陽人也少以至孝著稱母食欲得  
魚羹耽出湘州市買去家一千四百里俄頃  
便返耽叔父為州吏於市見耽因書還家家  
人大驚耽後白母曰耽受命應仙遠遠供養  
作兩大櫃留家中若欲須食扣小櫃欲得錢  
帛扣大櫃是所須皆立至鄉里共怪其獨如  
此白官遣吏檢櫃無物而耽母用之如故先  
耽將去時云今年大疫死者略半家此井水  
飲之無恙果如所言合門元吉每年百餘歲  
終聞山上有入哭聲服除乃止百姓為之立  
祠矣

張巨君

張巨君者不知何許人也許季山得病不愈  
清齋祭太山請命晝夜祈訴忽有神人來問

曰汝是何人何事苦告幽冥天使我問汝可  
以實對季山曰僕是汝南平輿許季山抱疾  
三年不知罪之所在故到靈山請決死生神  
人曰我是仙人張巨君吾有見道可以射知  
汝禍祟所從季山因再拜請曰幸蒙神仙迴

降願垂告示巨君為筮卦過靈之恒三三  
初九六二六三有變巨君曰汝是無狀之人  
病安得愈乎季山曰願為發之巨君曰汝曾  
將客東行為父報仇於道殺客內空井中大  
石蓋其上此人上訴天府以此病誦汝也季  
山曰實有此罪巨君曰何故爾耶季山曰父  
有為人所搏恥蒙此以終身時與客報之未  
至客欲告怨主所以害之巨君曰冥理難欺  
汝動自首吾還山為請命季山漸愈巨君傳  
季山筮訣遂善於易占但不知求巨君度世  
之方惜哉

馮伯達

馮伯達者豫章建昌人世奉孝道精進濟物  
道民陳辭得旨與戴於生相似又是同時人  
也元嘉中伯達下都後寄戴鄉人還南行至

梅根阻風連日伯達謂船主曰欲得速至家  
但安眠慎勿閉眼其夜聞舫下刺樹杪而不  
危抗竊有窺者見兩龍伏棹異船迅若電逝  
未曉到舍伯達尋入廬山不返

韓越

韓越者南陵冠軍人也心慕神仙形類狂愚  
隨師長齋誅口不輟嘗著屐行無遠近  
入山或百日五十日輒還家人問越未嘗實  
對後鄉人所枯木作弓於大陽山絕崖石室  
中見越與六七仙人讀經越後山中還於密  
村暴亡家迎覺棺輕疑非真尸發看唯竹枝  
耳宋大明中越鄉人為臺將北使於青州南  
門遇越容貌更少共語移時訪親表存亡悲  
欣凝然越云吾婦患嗽未差今因與卿散一  
裹今溫酒頓服之臺將還都看下具傳越言  
而越婦服散嗽即愈

郭璞

郭璞字景純河東人也王敦欲反使之占夢  
曰吾昨夢在石頭外江中扶犁耕知占之璞  
曰大江扶犁耕耕亦自不成反亦無所成敦

怒謂璞曰卿自占命盡何時璞曰下官命盡今日敢令誅璞璞謂伍伯曰吾年十三時於柵塘脫袍與汝言吾命應在汝手中汝可用吾刀伍伯感其深惠街第行法殯後三日南洲市人見璞貨其平生服飾與相識共語敦聞之不信使開棺無尸璞得尸解之道今為水仙伯

### 戴孟

戴孟字成子武威人也漢武帝時為殿中將軍本姓燕名濟字仲微得道後改姓名入華陰山授秘法於清靈真人裴君得玉佩金瑤經石精金光符仙人郭子華張季遠趙叔遠山世遠常與之遊處

### 郭文舉

郭文舉河內軹人少愛山水常游名山觀華陰石室洛陽陷入吳居大辟山停木於樹苦覆而止時猛獸為暴文舉居之十餘年無恙丞相王導使迎至京師朝士咸共觀之文舉頹然箕踞旁若無人周顛問曰猛獸害人先生獨不畏邪文舉曰吾無害獸之心故獸不

害人周顛度虎桓溫劉恢共歎文舉雖無腎人之才而有賢人之德咸和元年懸求還山導不許復少日適入臨安白土山明年蘇峻作亂時人謂文舉逆知故去也有老子經二卷經感威屋未嘗見讀之山外人徐凱師事文舉受籙籙上將軍吏兵並見形於凱使役之今凱見社靈神戒凱曰不可有房室不復為卿使凱後娶暨氏女諸神即隱唯餘籙吏二人不復從命語凱云汝違師約天曹已攝丈夫兵留我等守太上籙不復可使文舉亡如蟬蛻山下人為之立碑文舉書箬葉上著金雄詩金雌記後人於其所住林席下得之次第尋書識籙相似乃傳於世

### 姚光

姚光者不知何許人也得神丹之道能分數形影坐在五七火之不焦刀之不傷吳主身臨試之積荻數千束令光坐荻千束荻裏十餘重火焚之煙焰翳日觀者盈都咸謂光為燬燼矣火息後見光從灰中振衣而起神容晏如也手把一卷書吳主讀不能解後不知

所之

### 徐寧

徐寧者吳郡海鹽人也少有道炁能收束邪精鏡塘人杜氏女患邪寧召魅即見丈夫著白俠葛單衣入門寧一叱即成白龜一旦與群從兄弟數人登石峙山斫春柴日暮寧又返明旦尋覓見寧在山上服採鍊倚而不動或乃把寧唯有空殼

### 丁令威

丁令威者遼東人也少隨師學得仙道分身任意所欲嘗變歸化為白鶴集郡城門華表柱頭言曰我是丁令威去家千歲今來歸城郭如舊人民非何不學仙離塚壘夫左元放為羊令威為鶴斯並一時之跡耳非永為羊鶴也遼東諸丁譜載令威漢初學道得仙矣

### 王嘉

王嘉字子年隴西安陽人也久在於東陽谷口携弟子登崖穴處御六炁守三一冬夏不改其服顏色日少符堅累徵不就堅尋大舉南征以弟融為大將軍遣人問嘉曰金堅火

強仍乘使者馬衣冠徐東行數百步自匿其衣裳奔馬西還羅牀而不言堅又不解更遣人問世祚云何嘉曰未央堅欣然以為吉徵明年歲在癸未堅大敗於壽春遂亡秦國是跌在末年也以秦居西為金晉部南為大火能鑠金也嘉尋移高高山姚長定長安問嘉朕應九五不嘉曰略當得長大怒曰小道士答朕不恭有司奏誅嘉及二弟子其先使人隴右逢嘉將兩弟子計已千餘呈正是誅日嘉使書與長長令發嘉及二弟子皆並無尸各有竹杖一枚長尋亡

寇謙之

寇謙之者不知何許人也弱年好道入東嶽岱宗山積苦累年一旦得真人分以成丹白日昇天謙之符章救治百姓神驗于今北方猶行其道者多焉

董幼

董幼者海陵人也兄弟三人幼最小早喪父幼母偏念其多病不能治家年十八謂母曰幼病困不可卒愈徒累二兄終不得活欲依

道門灑掃以度一世母許之幼在師家恭謹勤修長看萬學未嘗暫怠遂洞明道術年四十一夜有真人降授幼水行不溺之道以一馬鞭與幼幼以鞭水行於水上如行平地晉義熙中幼還家辭母云幼已得道不復留人間今還與家別母曰汝應往何處去復幾時可還幼曰應往峨嵋山受業未有歸期中表鄉隣共送幼至區陽西江見幼鞭水而行漸漸而遠顧謂二兄曰世世傳道業矣

劉愷

劉愷者不知何許人也長大多鬚垂手下膝久住武當山去襄陽五百里旦發夕至不見有所修為頗以藥術救治百姓能勞而不倦用藥多自採所識草石乃窮于藥性雍州刺史劉道產忌其臂長於襄陽錄送文帝每旦輒車載將往山採藥暮還廷尉愷後以兩短卷書與獄吏吏不敢取愷焚之一夜失愷關鑰如故聞闔門吏行夜得愷遂廷尉愷語獄吏云官尋殺我殯後勿釘棺也後果被殺死數日文帝疑此言使開棺不見尸但有竹杖

耳

王質

王質者東陽人也入山伐木遇見石室中有數童子圍碁歌笑質踰堦入柯觀之童子以一物如棗核與質今含咽其汁便不覺飢渴童子云汝來已久可還質取斧柯爛已盡質便歸家計已數百年

雲笈七籤卷之一百一十